



20. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1) Naalakkersuisut qanoq pilersaruteqarpat kattuffiup/PPK-p oqariartuutaanut tunngassuteqartumik, uani pineqarpoq immikkut ittumik ullormik ataatsimik sulinngiffeqarsinnaatitaanermik kissaateqarnermik?
- 2) Naalakkersuisut nassuiaasinnaanerpap politikikkut inatsisitigullu qanoq iliuseqartoqarsinnaanerani taamatut immikkut ittumik ullormik ataatsimik sulinngiffeqarsinnaatitaanermik piviusunngortitsisoqassappat?
- 3) Naalakkersuisut kattuffik, PPK-p soqutigisaat aallaavigalugit, oqaloqatiginiarlugu assamik isaassiniarpap?
- 4) Naalakkersuisut qanoq isumaqarpat suliamut tunngasumut, peqqinnissaqarfimmi sulisut allat soqutigisaanut taamatullu sunniuteqarnerannut?
- 5) Naalakkersuisut qaqugu naatsorsuutigivaat sulisussanik sulisitsiniarnermi sulisunillu attasiniarnermut nalunaarusiaq Islandimi peruserineqartoq tunngavigalugu, saqqummiussinissaat?
- 6) Island suleqatiginiarlugu pisortatigoortumik suleqatigiinissamik aallartitsisoqarpa, tassanilu annerusumik peqqinnissaqarfimmut sulisussarsiornermik kinguneqartussamik?

(Inatsisartunut ilaasortaq Anna Wangenheim, Demokraatit)

Tunngavilersuutit

Ulloq 17/1-21 Sermitsiakut saqqummerpoq¹ kattuffik, PPK-p aamma peqqissaasut sinnerlugit aallartitaat, coronamut akiuiniarnermut periusigineqartumut isornartorsiunerat, aammalu paaseqatigiiffiusumik eqqartuisoqartarsimanninneranik isornartorsiullutik. Isornartorsiunerup imarisaa ilungersunartuuvoq, annertuumillu sulisunut sunniuteqarpoq, sulisussarsiornermut sulisunik attassinissamut minnerunngitsumillu uninngasunut paaqqutarinninnissamut kingunerlutsitsisinnaalluni.

Pingaaruteqarluinnarpoq politikikkut aaliangiinerit oqimaaqatigiissumik aaliangerneqartarnissaat, taaamaattumik qulaani apeqqutikka aallaavigalugit qulakkeerinneqataarusuppunga suleqataallungalu qanoq aqqiisoqarnitsigut oqimaaqatigiimmik politikikkut aaliangiinerit pissanersut, taamaalilluta pissutsit ilungersunartorujussuit, ajorseriartuinnarnissaat pinaveersaartinniarlugit. Iliuseqanngikkuttami peqqinnissaqarfippat ilungersoreeqisoq isasoortussaavoq tamannalu aamma innuttaasunut napparsimasunullu kinguneqarnerlorujussuartaussaavoq.

Siusinnerusukkat apeqqusiivikuuvunga paasiuminaatikkakku sooq naalakkersuisuusimasut siulii, sulisussarsiornermut sulisunillu attanissinissamut suliniutaai ingerlateqqinneqarsimanninnerannik, ilami suliniutit ullumikkut inissisimaffitsinnut pinaveersaartinnissaanik aamma siunertaqarmata. Ukiorpasuumi Danmarkimut pituttugaavallaartumik sulisussarsiornermut kingunerisaanik sulisoqarnitta inissisimanera annertunerusumik unammillernarnerpoq, ilami danmarkimi ukiuni kingullerni

¹ <https://sermitsiaq.ag/kl/peqqissaasut-coronamik-isumaginninneq-isornartorsiorpaat>



DEMOKRAATIT
DEMOKRATERNE

aamma siulittuutigigamikku nammineq sulisoqarniarnikkut inissisimanerat
unammillernarsigaluttuinnarnera.

Apeqqutit ullut qulit suliffiusut iluanni akineqareersimanissaat kissaatigaara.